

مدنیت حاضرہ نك موضوعات كاذبہ سی [*]

مانہ ، تہسہل ، فارمس [۱]

۱

بشریت ، (کہ تہ) نك (قاوست) ی کبی جست وجوی معرفت وسعادتہ نصب امل ایتمش، مہادیآ چالیشیور۔ فقط ہیچ برزمان، ایچندہ بولونڈینی دقیقہ نك دوامنی تمنی ایتدیرہ جك بر حال خشنودی یہ واصل اولمامشدر بوکون «اوح! شکر» دیدیرہ جك بر ثانیہ یہ ہر وقتدن زیادہ اوزاق بولونمقدہدر۔

[*] آلمان مشاہیر حکما سندن (ماقس نورداو) ك - *Les mensonges conventionnels de notre civilisation* عنوانیہ معروف والسئہ مختلفہ یہ مترجم بولسان اثرخی بو نسخہ دن اعتباراً ترجمہ یہ باشلایورز۔ عنوان کتابك (مدنیت حاضرہ نك مقالہ لی یالانلری) ویا (اکاذیب موضوعہ سی) دیہ ترجمہ ایدلسی موافق اولہ جفی رفقای محترمه جانبندن اخطار ایدلش و (مواضعات مدنیه) کبی بر تعبیرہ خاطرہ کلش ایسہدہ (موضوعات کاذبہ) تعبیری ابقا ایدلشدر۔

[۱] (بابل) ك صوك حکمدارینك اوغلی بالغازار ذوق وصفا ایلہ مشغول اولدینی صرہدہ اوطوردینی صالونك دیوارینہ بر دست ناسرینك یازدینی تہدید ہاتفیدرکہ تاریخندہ مشہوردر۔ شویہ کہ : ایران حکمداری (کیخسرو) دہشتلی بر اردو ایلہ بابلی محاصرہ ایتدیکی ائنادہ شہری بابایی نامنہ مدافعہ یہ مأمور اولان بالغازار ، سورلرک صلابتہ کووہ نہرک دشمنك مساعیسنہ کولیور وذوق وصفا اورتہ سندن محاصرہ مدیدہ نك کلانی اونوتیوردی حضرت (دانیال) ك روایتہ کورہ برکیچہ بالغازار آیین ساسانیانی اجرا ایدرکن دینی استخفاف ایلہ (نابخت نصر) ك وقتیلہ (قدس) دن کتیرتدیکی اوائی مقدسہ بی سفاہتکاهنہ جلب ایتدی ۔ بو صورتلہ مقدساتہ رعایتزلک ایدلدیکی صرہدہ

معارف و مدنیت هر یرده انتشار ایدمرك اك وحشی قطعاتی سیله زیر حکمته
کچیریور، هر کون یکی و خارقه نما بر کشف، ارضی دهها قابل سکنا، کلال
موجودیتی دهها سهل التحمل بر حاله کتیریور. لیکن هر درلو شرائط رفاهک
از دیادینه رغماً، انسانیت، هر زماندن زیاده ناخشنود، دهها اندیشناک و دهایی ارامدر.
عالم مدنیت، هوای محیطی، دلخراش اینلرله طولدوران، بیك درلو اضطرابات
ایچنده قیورانان مقتور انتظار شفا میلیونلرجه مرضایه مخصوص جسم برصالوندن،
بر یارملی قوغوشندن باشقه برشی دکلدنر.

دیار دیار کزیکز، قانی قانی صوریکز! «خشنودی بو اوده مستقر میدر؟
آسوده و مسعود میسکز؟» هر طرفدن سزه جواب ویره جکلر، «دها اوزاقلرده
آرا! سولیدیک شئ بزده یوقدر» دییه جکلردنر. حدودلری دیکله یکز! روزگار
سزه، اختلافات اقوامک، عنیف تضییقلره قارشی اختلافلارک ولولات
مشئومه سنی کتیریر.

آلماشاده، (سوسیالیزم = مملک اشتراکیون) ک سیوری دیشلری،
بنای سیاسی واجتماعیتک دیرکارینی حرص ایله کیریور. نه احکام دین عیسوی به
موافق بر سوسیالیزم، نه اداره عرفیه، نه صلاحیت فوق العاده ضابطه....
والحاصل هیچ برشی اشتراکیونی آلدن آله سکوت ایچنده سعی تخریبکارانه لرینه
دوامدن انحراف استیبره میور. نام حقیقی سنی ایله کورونمکه جسارت ایدمین

ایدی که فاجر بالطازار، بر آلاک دیوار اوزرینه آلهو شکننده اشرازانکیز حرفلر رسم
ایتدیکنی خشیتله کوردی. بو حرفلری نه بالطازار، نه ده کاهنلری اوقویه مادیلر دعوت
اولنان پیغمبر دانیال (ع م) دیمش که: «بو آلی کوندن جناب حقدر یازدینی شودر
Mané, Thécel, Pharès. مانه: الله سنک کونلرینی صایمش و نهایی اشارت ایتشدنر.
نه سل: سن میزانه وضع اولوندک و بک خفیف کلدک. فارم: قرالیتک تقسیمه اوغرایه جق
دیمکدر» فی الحقیقه کیخسرو، فرات نهرینک مجراسنی دکشدرمه موفقی اوله رق اوکیجه
نهرک قورویان یا تاغندن بابه داخل اولدی بالطازار اتلاف ایدلدی. کلدانیلرک حکومتی
ایرانه التحاق و انتقال ایتدی. بو وقعه لر، میلاددن ۳۸ سنه اول جریان ایتش.
علی الاکثر بو اوج کله ایله بو وقعه تاریخیه تلمیح اولنور.

بر طاقم اغراض واحتراسات، (آتی سے میتیزم = علیہ داران یہود مسلکی) نقابی
آلتندہ میدانہ چبقیور۔

فقرا و جہلادہ مسمولینہ قارشی بر بغض دائمی ... «امتیازی صنفلر» ذیلین
درہ بکک حقوقی متفعلارندہ، نفوذ و اقتداری الارندن الایلمسی ملحوظ
ودھا ای متصف بولونان رقیلردن قورقو ... مبہم بر (ایدہ الیزم) سالک اولان
کنجلردہ دہ یالکیز آلمانیک وحدت سیاسیہ سی دکل بلکہ آلمان قومنک وحدت
عرقیہ سی کی ممتنع الحصول بمض مدعیات و وطنپرورلکک بر شکل مفرطی
محسوس اولیور۔

بر الم خفی، ایضاح ایدیلہ مکسزین یوزلر جہ دفعہ دقت اولونان کیزی فنالق،
ہر آئی بیککر جہ افرادی وطنلرندن آیرہ رق ماورای البحارہ سوق ایدیور؛
فوج فوج مہاجرین، آلمان لیمانلرندہ اوست اوستہ بیغیلیور۔ بو حال، جسم
ملت ایچون ہر تدای یہ سرکش ومدھش بر سیلان دم، بر نرف اجتماعی دیمکدر۔
فرق سیاسیہ، یکدیگری نہ قارشی بر حرب امحائی یہ کیریشمش، قرون وسطی
وحاکیت استبدادیہ، ازمنہ جدیدہ وحاکیت ملیہ ایلہ مبارزہ ایدیور۔

آوستریا و مجارستان دہ اون مختلف ملیت، بر بریلہ طوتوشمش، ہر بری
دیگری نہ ممکن اولدینی قدر زیادہ فنالق ایتکہ غیرت ایدیور۔ ہر ایالتندہ، همان
ہر قصبہ اکثریتلر، اقلیتلری آزیور و اقلیت مقاومت ایدہ میہ جک بر حالہ
کلنجہ غیظانی قلبندہ صافلا یہ رق صورتا تسلیمیت کوستریور، فقط شو تحمل فرسا
حال و وضعدن قورتولمق ایچون چارہ یکانہ بیلدیکی انقراض حکومتی، ازجان
ودل تمنی ایدیور۔

روسہ، وحشت ابتدائیہ یہ عودت ایتش ظن اولونہ جق بردرجہ یہ کلشدر۔
ادارہ، مربوطیت متقابلہ حسنی غائب ایتش، مأمورین منافع ملک وملتی
دوشونہ جک یہ منفعت ذاتیہ لرینی تأمینہ قوبولمش۔ آنلر ایچون غصب،
سرقت، عدالتی صائمق، ارتکاب والحاصل ہر درلو وسائط، مشروعدر۔
تحصیل کورمش آدملر، نومیدانہ (یہیلیم = مسلک عدہ پرستی) بی سلاح

مدافعه ایدمشر . یکی بر نظام اجتماعینک شرط اقدمی اوماق اوزره - تحیلات
مخومانلرینک ارانه استدیکی قانلی اغتشاشی ، دینامیت و یاره وولوه ايله ،
خنجر ویا یانفین ايله وجوده کتیرمک ایچون حیاتلرینی بیکارجه دفعه مهالکه
القا ایدیورلر . بومدهش خسته لئی تشفیہ ایتک ایستنه دولت آدمیری الک
غریب چاره لره توسل ایدیورلر .

کیمی ، سلامتی روس قومنک استحصال آزادیسنده ، پارلامنتو اصولنک
تأسیسند کوریور . کیمیشی ، اروپا ادخالنک منعی وچارلرک ارئی ووقدسی
حکومت استبدادیہ سنک تحکیمی طلب ایدیور . بر دیگریده انصرافی *dérivatif*
بر تدوینک تأثیر شفافجاشنه قانع اوله رق آلمانیاہ ، آوستریاہ ، تورکیاہ
ایجاب ایدرسه بتون دنیاہ قارشى شدتله حرب ایتمکی توصیه ایدیور .

اونلر مذاکره و مناقشه ايله مشغول اولدینی صرہده بریده کتله عوام ،
موسویرلی قتله ، اموالی یاغمایه قویولور ، مسکنلرینی هدم ، سیناغوغلرینی
خاکله یکسان ایدرک عین زمانده افطار حسدینی دره بک شاتولرینه توجیه ایدیور .
انکلترده یکنظرده ارضک متانتنه ، بنای سیاسینک تمامیتنه ذهاب حاصل

اولابیلیر . فقط انسان ، قولاغی زمینه یاقلاشدرنجه طوبراغک صارصلدیغنی
حس ایدر ، تهدید آمیز ، مخوف کورولتولر ایشیدیر ، هر طرفدن چاتلامش
اولان دیوارلرک صلاحتی کوندن کونه مخاطره یه دوشر . کایسا ، شرافت ولادیہ
noblesse de naissance شرافت نقدیه *nobless d'argent* ، قویاً متمعضو
ومنفعتلرینی صیائنه مقتدردرلر بورژووازی ، (یعنی زادکان ايله عوام طبقه لری
آرسندک صنف معتبران) صنف متقلبک قوانین مکتوبه ویاغیر مکتوبه سنه
مالایمتله اطاعت ایدر و بر عنوان قارشیدیسند حرمت دیندارانه ايله باش اکر .
بونلر تأمین ایدرلرکه اون بیک آریستوقراتی ممنون ایدن معاملاتدن بشقه دنیاہ
مناسب عد اولونه حق برشی دکلدیر واونلرک امتیازاتنه اعتراض ایتک ، عفو
اولونماز بر یاغیلقدیر .

لکن عمله وچفتیجی بو اتفاقدن خارج قالیر ، آنلر سرمایه و طوبراقدن کندی

حصہ لرینی ایسترل ؛ (لیربانسور = اصحاب افکار مستقلہ) ، (طرفداران جمہوریت) جمعیت لری تأسیس ایدر وقرالیتہ وزادگانہ یومروق کوستریرلر . استقبالی ، قوجہ قاریلر کبی قہوہ تلوه سنده دکل ، سعیندن باشقہ سرمایہ سی اولمایان انکلیر طبقات سافلسنک کوزلرنده اوقویانلر ، قورقونج فورطنہ لری تفرس ایدرلر . ایرلانده دن بحث ایتمیورم . اوراده انقلاب اقتصادی . مقاومت اولونماز برطرزده ایلرلہ مکہ باشلادی . آدم اولدیرمک معتبر برصنعت اولدی . اکر انکلترہ حکومتی ، قومی قان ایچنده بوغامازسہ ، لاشک ، اغیانک اموالی ضبط ایچون فقرایہ مأذونیت ویرمکہ مجبور اوله جقدر . بومنال پک چابوق انکلترہ وسار محملرده تقلید ایدیلہ جکدر .

ایستالیاده ابی تحکیم ایدلمه مش اولان برقرالیت ، افکار جمہوریہ مک موج صاعدینہ قارشی کوچلکله پایدار اوله بیلور . لومباردیہ چلتیکلرنده ، (رومانی) نک مرزغی ایصنزلقلرنده صیتمہ ایلہ صارصلمش ، بلاغره دینلن خستہ لقلہ کیرلش برچوق کونده لکجیلر ، طوپدن هجرت ایتمکده یاخود سفیل مملکتلرنده قالسہ لر بیلہ کونده الی سانیتمہ کمیکلرینک ایلکینی صاندقلری بیوک املاک صاحب لرینک اواراضی یه وجہ استحقاقلرنده شہ ایلہ بونی تدقیق قیدینہ دوشورلر . ایٹالیا اتحاددن بری شبابک معین وقدم بر مقصدی قللامش و (ایرہ داننا) آنلرہ یکی برغایہ امل عرض ایتمشدر . ملنک اضطرابات خفیہ سی ، جنوبده (قامورا یعنی جمعیات مجرمین) و (مافیا) تسمیہ اولونان علام ایلہ طوسقاندہ تمصب دینی وقومونیست برعیسویت ایلہ تظاہر ایتمکده در .

فرانسہ ، شمعیکی حالده ، بتون اوروبا مملکتلری ایچنده احتمالک اک زیادہ صحت سیاسیہ سیلہ مقتخر اولابیلیر بر مملکتدر مع مافیہ اورادہ نہجہ امراض تخملری ، اسقام اجتماعیہ استعدادلری واردر . بیوک شهرلردہ بتون گوشہ باشلرنده خطبای عوام ، اموالک تقسیمہ ، پترول استعمالنہ دائر سرت موعظہ لر ایراد ایدیور ، عملہ صنفی ، کاه سکوت ، کاه کورلتو ایلہ حکومتی الہ یکیرمکہ و ۱۷۸۹ دہری قوہ حکومتی منحصرأ کندی اللرنده بولوندران

بورژوازی صنفی مأموریت و مآكلردن چراقلقردن پارلامنتو و بلیه لردن قوغغه حاضر لانیور . ناقابل اجتناب بر مصداقه نك تقریبن حس ایدن فرق قدیمه ، قورقه قورقه ، امیدسنر و اتحادسنر اوله رق روحانی ، عسکری ، حکومت مطلقه طرفداری جمعیات فسادیه واسطه سیله مقاومت ایتمك ایستور .

کوجوک مملکتلردن اوزون اوزادییه بحث ایتمك لزوم یوقدر اسپانیانك اسمی در حال (قارلیم) ، (قانتونالیزم) ، فکرینی او یاندیر نوروجه ، مبعوثان ملت ایله حکومت آره سنده کی اختلافاتی خاطر لاتیو میوه ناصل چکر دکی احتوا ایدرسه بو اختلافده بر فکر جمهوریت اخفا ایدر . دانیمارقه ده کویلیلر فرقه سی ، و مزمن بر بحران وکلا ، باعچقاده مساح بر (اوترامونستانیزم = پایا طرفدارلنی) محسوسدر .

حاصلی کرک قوی ، کرک ضعیف اولسون هر مملکتک وخیم یاره لری واردر . اولنر مستمراً متزاید بر آندیشه ایله هر سنه تسلیحات ایچون میلیارلر فدا ایتمك صورتیله سلامت دکلسه بیله تسلیت بولق فتننده درلر . بو حال ، طبق قرون وسطاده اکابر دنیانك بر مرض مهلکدن قور توله بیلمك امیدیه ماللرینی کلیسیایه تبرع ایتملرینه بکزره .

احمد صلاح الدین

فرانسه وانسکاتره پارلمنتولری

۵

فرانسه مجلس مبعوثاتی ارائه ایدن لوحه نك ذروه سنده مأمورین حکومت کورولور .

مسالك نظریه (فکریه) اربابندن صوکره فرانسه مجلس مبعوثانسنده اک چوق حصه اشتراکی اولانلر مأمورلردر . بو مجلسده (۲۳) حاکم (۷۲) اداره مأموری یعنی جمعا (۹۵) مأمور واردر که مقدار زراعه پک زیاده فائق و صنعتکاران ایله تجارک مقدار مجموعندن دخی پک چوق فضله در .

بو صنفه داخل اولان مبعوثانك قسم اعظمی حقوق شناسدر . فقط حسب